

## BATAKANG BALAO

### PASIUNA

Kami nga myembro sa Upper Lamac Water Consumer Association kinsa nga nagkahiusa ang among tinguha sa pagmugna ug usa ka kapunungan alang sa kauswagan o kalambuan ug pag-uswag kanamong mga sakop niini pinaagi sa pag-amot sa kantidad nga Kinse Pesos(=P= 15.00) sa matag bulan alang sa pag-pangandan o prepara sa among patubig , ubos sa kahayag sa atong Dios nga Langitnon ug labing gamhanan, dinhi nagmugna ug balaodnon kinsa nagbunyag ning maong batakang balaod:

### ARTIKULO I NGALAN UG LUGAR SA KAPUNUNGAN

- Section 1. Ang ngalan ning maong kapunungan mao ang Upper Lamac Water Consumer Association
- Section 2. Ang dapit o lugar nga opisyal nga nahimutangan niining maong kapunungan mao ang Barangay Hall sa Barangay Upper Lamac, Oroquieta City.

### ARTIKULO II KATUYUAN

- Section 1. Ang katuyuan mao ang pagpanalipod ug pagpalambo sa kaayuhan katungod ug komon nga interes alang sa mga miyembro sa asosasyon.
- Section 2. Ang labi pang importanting katuyuan sa kapunungan mao ning mosunod:
- 2.a. Aron mapadali ang pagmintinar sa patubig panahon nga kini maguba.
  - 2.b. Ang pagtambayayong ug pagtinabangay alang sa kaayuhan ug kalambuan sa kapunungan
  - 2.c. Paghimo ug uban pang kalihukan nga may kalambigitan sa mga katuyuan sa paglambo ning maong kapunungan.

### ARTIKULO III PAGPASAKOP

Section 1. Ang pagpasakop ning maong kapunungan mahimo ni bisan kinsa nga nagpuyo sa Barangay Upper Lamac nga naggamit sa tubig.

Section 2. Ang gusto magpasakop niining maong kapunungan kinahanglan mosunod sa tanang balaod sa barangay.

Section 3. Ang pagpasakop ning kapunungan mobayad sa ₱= 100 isip membership fee.

Section 4. Ang pagpasakop ning maong kapunungan kinahanglan motoman sa lagda ug balaod nga gilatid sa organisasyon sa pagpasakop ug kinahanglan mobayad siya sa mga balayronon sa kapunungan.

### ARTIKULO IV KATUNGOD UG KATUNGODANAN SA MATAGSAKOP SA KAPUNUNGAN

Section 1. Katungod. Ang matag sakop sa kapunungan kinahanglan magpabilin isip maayong sakop sa aron siya makapahimulos ning maong mosunod nga katungod:

- a. Paminawon ang iyang katungod o opinion sa mga butang nga may kalambigitan sa kapunungan.
- b. May katungod siya sa pagbotar sa butang nga ipresentar diha sa meeting o sa pagpili panahon sa eleksyon
- c. Makatagamtam siya sa tanang benepisyo nga alang sa sakop sa kapunungan
- d. May katungod sa pagpangayo sa impormasyon sa mga record, libro ug uban pa
- e. May katungod sa pagpili ug magpapili sa matag piniliay sa kapunungan

Section 2. Katungdanan. Ang matag sakop sa kapunungan adunay katungdanan ning mga musunod:

- a. Pagtuman sa constitution and by-laws ug mga resolution nga gimugna sa kapunungan ug uban pang pamalaod
- b. Pagpanalipod sa ngalan ug integredad sa kapunungan
- c. Pagpalambo ug pagsuportar sa interes ug katuyuan sa Kapunungan



- d. Aktibo nga motambong ug mosalmot sa tanang meeting ug kalihukan sa Kapunungan
- e. Mobayad sa tanang balayronon ug amoton nga gikauyonan sa tanang sakop sa Kapunungan

## ARTIKULO V ASSEMBLIYA HENERAL

Section 1. Ang assemblya heneral mao ang pinakataas nga magbabalaod sa kapunungan ug ang tanang balaod, polisiya, ug mga plano nga aprobahan sa assemblya gikinahanglan pagasundon sa tanang sakop sa kapunungan.

Section 2. Ang assemblya heneral nagalangkob sa tanang sakop sa kapunungan.

## ARTIKULO VI OPISYALIS

Section 1. Ang mga sakop sa kapunungan magpili ning mga opisyalis nga mao ning mga musunod:

- i. usa (1) ka pangulo
- ii. usa (1) ka puli pangulo (vice president)
- iii. usa (1) ka secretary
- iv. usa (1) ka tresurero
- v. usa (1) ka auditor
- vi. duha (2) ka PIO

Section 2. Duha (2) ka tuig ang termino sa matag opisyalis ug mahimong ma-re-elect sa maong posisyon sa walay kinutuban.

## ARTIKULO VII MGA BULOHATON SA MGA OPISYALIS

Section 1. PANGULO. Siya ang pangulong ehekutibo, mudumala sa matag tigum, morepresentar sa kapunungan, mopirma ug papeles sa kapunungan, mopatawag ug emergency meeting kong gikinahanglan ug tsirman sa tanang meeting.

Section 2. PULI- PANGULO. Siya mao ang mopuli sa buluhaton sa pangulo nga wala ang pangulo.

Section 3. SECRETARYO. Siya ang tig kuha sa mga menutas sa tanang meeting sa kapunungan ug mopreparar sa mga resolution, pahibalo sa tanang meeting nga pagahimuon sa opisyalis, ug sa mga sakop sa kapunungan ug mohimo ngadto sa tanang buluhaton nga isugo sa mga opisyalis niini.

Section 4. TRESURERO. Siya ang tighipos sa mga kabtangan ug modiposito sa kwarta sa kapunungan ngadto sa bangko, mo record ug mga document lakip na ang tanang bililhong butang sa kapunungan.

Section 5. AUDITOR. Ang auditor mao ang mo-audit kon mosubay sa panalapi ug kabtangan sa kapunungan ug morekumendar sa pag-aprobar sa mga transakyon sa kapunungan mahitungod sa resibo, panggastos ug paggawas sa kantidad ug bililhong butang sa kapunungan.

Section 6. PIO. Ang PIO mao ang atasan sa pagpahibalo kung adunay mga meeting o importanteng buluhaton ang kapunungan ngadto sa matag membro sa kapunungan.

#### ARTIKULO VIII PANAGKATIGUM

Section 1. Ang binulan nga meeting sa matag miyembro pagahimuon matag unang Dominggo matag bulan sa may ala una(1:00) ang takna sa kahaponon.

Section 2. Pagahimuon nga quorum/ Ang meeting pagahimuon nga quorum kon makakuha na ug mayorya sa mga sakop sa kapunungan labaw na sa katunga ( 50% + 1 ) ang gidaghanon sa sakop sa kapunungan ang mitambong, mao na kana ang quorum.

#### ARTIKULO IX MONTHLY DUES/PENALTY

Section 1. Kada miyembro kung molapas sa petsa sa pagbayad sila pagapenaltihan sa kantidad nga =P= 10.00.

Section 2. Si kinsa nga miyembro ang dili maka-attend ug meeting pagasilutan ug =P= 50.00.

#### ARTIKULO X PUNDO

Section 1. Ang mga musunod mamahimong dinhi magikan ang pundo sa assosasyon.

1.a. maintenance =P= 15.00



1. b. ug uban pang legal nga paagi sa kapunungan ug pundo.

## ARTIKULO XI ELEKSYON, RE-ELEKSYON SA MGA OPISYALIS

Section 1. Ang pagpili sa mga opisyalis sa kapunungan pagahimuon maka usa sa matag- duha(2) ka tuig.

Section 2. Ang pamagi sa pagpili sa mga opisyalis pagahimuon sa sekreto nga balota. Mayoriya nga boto mao ang iproklamar nga mananaog sa maong piniliay.

Section 3. Ang napilian nga opisyalis molingkod sa katongdanan us aka bulan human sa piniliay aron mahatagan ug panahon ang nangaging opisyalis sa pag-turn-over sa tanang gipanag-iya sa kapunungan ngadto sa bag-ong napili.

Section 4. Bakante nga posisyon – kon bakante ang posisyon sa opisyalis, ang pangulo mopatawag dayon ug us aka espesyal nga piniliay sa nakabakante nga posisyon u gang manana-og molingkod lang sa terminong wala nahuman.

## ARTIKULO XII KAUSABAN

Section 1. Kon adunay kausaban nga pagahimuon niini nga constitution ang by-laws, kini ipresentar sa Assembliya Heneral ug paga aprobahan sa 2/3 nga gidaghanon sa mga sakop sa kapunungan.

## ARTIKULO XIII EPEKTO

Section 1. Kini nga constitution and by-laws moepekto human mipirma ang mga sakop sa kapunungan niining June 13, 2015 dinhi sa Barangay Hall sa Upper Lamac, Oroquieta City, Philippines.

Isip pagpamatuod nga ang natalang bata kang balaod gi-aprobahan sa kadaghanan niining June 13, 2015 dinhi sa Barangay Hall sa Upper Lamac, Oroquieta City, kaming mga opisyalis mopirma dinhi sa ubos.

  
MR. MEDHUSAE LUMANTAS

President

  
MRS. JOY ARBUES

Vice-president

  
MRS. QUEENDLYN S. BUTA


Secretary

  
MR. GARY P. LAMPARAS

Treasurer

  
MRS. GEMMA S. MALINIS

Auditor

  
MRS. MERCY M. NITUDA

PIO

  
MRS. ELLEN GUMIASON

PIO